



südostschweiz

# LA QUOTIDIANA

Redacziun: Via Sommerau 32, 7007 Cuira, tel. 081 255 57 10, redacziun@laquotidiana.ch

## Campagna en favur dall'aua dil Gottard

DA HANS HUONDER / ANR

■ La regiun dil Gottard ei reha d'aua. Buca per nuot vala ella sco combra d'aua dall'Europa. L'uniun «Gotthard-Connects» vul promover quei. «Aua giud la spina ei dalla megliera qualitat. Daco stuein nus lu beiber praticamein mintga di aua butteglia-da», sedamonda la presidenta dall'uniun Marja Nieuwveld che viva dapi rodund sis onns ad Andermatt. L'uniun ha lantschau il project «Quellwasser.ch». Cun ina caraffa che sa vegnir cumprada duei la gliעד vegnir sensibilisada pil diever dall'aua indige-

na, mo era encunter il commer-ci paradox d'aua, per part schizun digl'exteriur. Il focus dall'uniun ei sin la regiun dil Gottard. Tenor Nieuwveld duei siu grond potenzial d'aua d'excellentia qualitat vegnir propagada pli fetg. «Il zercladur vegnin nus ad organisar in'ulteriura campagna. Cun in viadi dalla tgina dil Rein entochen Rotterdam lein nus sensibilisar la gliעד per las fontaunas d'aua dil Gottard, denter auter quella dil Rein.» Ulteriurs projects duein suandar.

> PAGINA 3

## Mirar sch'ei ha ovs marschs

La situaziun dalla vischnaunca Ilanz/Glion vegn analisada

DAD AUGUSTIN BEELI / ANR

■ La suprastanza communal dad Ilanz/Glion lai far ina analisa da tut il prestau e contonschiu dapi la fusiun. Ella dat cun quei suatientscha ad incumbensas dil parlament. Tenor la suprastanza communal ha vess igl alzament dil pei da taglia gidau da dumignar a liunga vesta il problem finanziar dalla vischnaunca Ilanz/Glion. Enstagl da dar suatientscha a quella proposta haveva il parlament surdau ils 30 da november 2016 alla suprastanza communal treis incumbensas. Mesjamna sera, a caschun dalla emprema sesida dil 2017, ha il parlament tractau las ristas che quella ha dau. Il parlament ha autorisau la suprastanza communal da schar far in'evaluaziun externa. Il Center da management administrativ dalla Scol'aula da tecnica ed economia a Cuera vegn a far ina analisa en sis pass. Dominik Just ei meinaproject ed Ursin Fetz, il director dil center, accumogna igl entir process. Tier las finimiras dall'analisa s'audi da dar ina survesta dil contonschiu, da mussar co tuts involvai lavuran ella vi-



Prest entscheiva l'analisa: Tuts secturs dalla vischnaunca Ilanz/Glion vegnan pri sut la marella.

FOTO A. BEELI

schnaunca Ilanz/Glion, proponer alternativs, rasar ora las finanzas e presentar pusseivladads da spargnar cuosts. Il parlament communal ha lu era priu notizias

d'ina mesira rigurusa per metter egl'equiliber expensas ed entradas. La suprastanza ha instradad ina midada dallas leschas da provediment d'aua e dalla canalisaziun. Il

president communal ha denton era saviu comunicar al parlament ina novitad encuraschonta.

> PAGINA 3



Ordvart carins fuvu il sujet da Heidi e Peter dils scolarets e lur mussadras.

FOTO S. ROTHMUND

## Ei vivi il tscheiver tuatschin

■ (anr/sr) La musica da tscheiver ils Vagabunds ha envidau ier al tscheiver tuatschin a Sedrun. 20 gruppas han dau suatientscha e priu part dil til. Bein han buca tuts liber amiez l'jamna, mo la fina bialaura ha tuttina carmalau sisum la Surselva ina massa aspeccatur che han gudiu il barlot da gievgia grassa. Dapi biars onns separticipeschan las scolars gia al til

da tscheiver ed era uonn han ei zambergiau cun bia breigia e fantasia ina massa bials sujets. Per tempra han sis guggas procurau ed alla fin dil til han ils organisatur dils dis da schlaghers e da «Pimp my Schlitte» derasau buna luna fagend reclama ed animond da turnar en diesch dis a Sedrun.

> PAGINA 5

## Cussagls per la decleranza d'impostas

■ (anr/afi) Bainbod han persunas privatas, sainza ün'occupaziun independenta, d'inoltrar la decleranza d'impostas. Ün novum es quist on ch'als formulars han da gnir tramiss directamaing a l'Uffizi d'impostas chantunala a Cuira. Tenor Marcel Franziscus da la Lischana Fiduziari SA daja diversas pussibilitats per schligerir la lavur a regard l'implir oura ils formulars d'impostas. Üna vouta metta il

chantun Grischun gratuitamaing a disposiziun la software «Soft-Tax». Da l'otra vart as chatta sülla pagina d'internet da l'uffizi d'impostas divers fögls d'agüd ed otra documainta nüzzaivla. Franziscus racumonda da ramassar fingià durant l'on la documainta per la decleranza d'impostas e da tilla metter in salv separadamaing.

> PAGINA 13

## Cumüns spargnan da controllar

■ (anr/fa) Ingon ramassa l'Uffizi d'impostas chantunala las bundant 185 000 decleranzas d'impostas da tuot il Grischun. Ils responsabels da cumüns in Engiadina Bassa e Val Müstair decleran che cha quai significha pels cumüns.

Fin uossa vaivan las chanzlias cumünalas, sco quellas da Zernez, Scuol, Valsot ed eir quella dal cumün da Val Müstair, l'incumbenza da ramassar e controllar minch'on darcheu las decleranzas d'imposta. Quai s'ha müdà uossa: Daspö quist on han tuot ils pajaimpostas da trametter quistas decleranzas directamaing a l'Administraziun d'impostas chantunala. La manadra da finanzas da Valsot, Patrizia Wieser, e seis collegas Michel Taisch da Scuol, Flurin Lehner da Zernez e Rudi Andri, il secretari d'impostas dal cumün da Val Müstair, dischan che consequenzas cha quist müdamaint haja per lur cumüns. Els manzan chi spargnan blera lavur cun controllar tuot las decleranzas. Da tschella vart tils indemissaiva il chantun per quista lavur. Quellas entradas mancan uossa na be als cumüns in Engiadina Bassa e Val Müstair.

> PAGINA 13

## Maraton sin traject original

■ (rtr) La situaziun, surtut tar il guaud da Staz, saja pauc allegraivla. Quai di il president dal comité d'organisaziun dal Maraton da skis engiadinais Menduri Kasper. Els stoppian manar en naiv per pudair preparar la loipa sin ils 12 da mars. Var 1000 fin 1500 m<sup>3</sup> naiv fetschian basegn.

Tenor Menduri Kasper hajan ins ponderà differents scenaris per la 49avla ediziun dal Maraton da skis engiadinais. Pervia da la mancanza da naiv en la cuntrada da pali dal Gaud da Staz eran vegnidas discutadas pussaivlas rutas per sviar questa part da la loipa. Tut las alternativs avessan gi consequenzas

per tut l'eveniment cun retards da partenza a Malögia, serrar pli ditg la via, retards tar il traffic public e persunas che ston passar la via. Tar ina inspeziun han ils organisatur evaluà la situaziun e decidì ch'i saja pussaivel da manar en la naiv che manca. Quai sajan radund 1000 fin 1500 m<sup>3</sup> naiv.



Il Maraton da skis engiadinais ha lieu quest onn per la 49avla giada.

SWISS-IMAGE.CH



Servetsch d'abunents e da distribuziun: tel. 0844 226 226 mail: abo@somedia.ch